


Parochians da Falera e da Laax han fatg in pelegrinadi tier Fra Clau da Flia. Nus havein rugau per nossas pleivs e per tuts che han buca giu caschun da prender part da quei pelegrinadi. Cun quei légn cruschau haveis vus caschun per ina revista ord la veta da Fra Clau.



1. Cun 50 onns ha el priu cumiau da sia dunna e da ses 10...
2. Suentar ha el viviu sco.....
3. Infuva siu plumatsch da durmir.
4. Duront vegn onns ha el viviu dalla sontga
5. Siu feagl giuven ei vegnius S.....L
6. El ha intermediau denter ils confederai a.....
7. Sia forza ha el anflau ell'.....
8. Il num da sia dunna ei
9. Tier Fra Clau rughein nus per la
10. Ils davos 20 onns ha el viviu el.....
11. Biarsvisentan ils loghens, nua che Fra Clau ha viviu.
12. Fra Clau ei il protectur da nossa
13. Ella baselgia da..... ein sia fossa

Nus essan dalla partida alla fiasta dils ministrants 2008 ad Aarau

La tensiun crescha - pertgei era nos ministrants e nossas ministrantas vegnan a prender part dalla gronda fiasta da ministrants ad Aarau, dumengia, ils 7 da settember 2008. In zun variont program empermetta in tut special eveniment!

Sco engraziament per il survetsch da ministrar en nossas pleivs carreschan nossas ministrantas e nos ministrants sonda, ils 6 da settember en direcziun dad Aarau. Ils ministrants visetan in parc da temps liber cun differentas caschuns da sedivertir. La sera gaudan els l'atmosfera sin in bein puril e „dierman“ s'il strom. La dumengia sentaupan els cun ca. 8'000 ministrants e ministrantas da ca. 300 pleivs. **En e cun** quella gronda raspada han els caschun da separtizpar a dapli che 100 posts da differentas purschidas, las qualas els san guder tenor lur plascher ed interess. El survetsch divin dalla fiasta da ministrants vegnan els a survegnir forza e grazia da Diu per lur engaschi ella cuminonza dalla pleiv. Ina tala fiasta da ministrants vegn organisada mintga treis onns. Ella porscha in'atmosfera speciala nua ch'ils ministrants san evenimentar baselgia e cuminonza cartenta a moda legrevla ed impressiunonta. Nus giavischein a nos ministrants e nossas ministrantas bialas e nunemblideivlas regurdientschas. Nies giavisch eis ei era ch'els survegnien danovamein profund plascher da lur survetsch duront la sontga Messa e las liturgias en nossas pleivs.

Oraziun dalla diocesa da Cuera per clamadas spiritualas.

Nies uestg Dr. Vitus Huonder less metter a pèz e supplicar nus da parter cun el il quitau per clamadas spiritualas. Sco battegiai e cresmai essan nus responsabels per ch'il scazi dalla cardientscha en Cristus vegni purtaus da tut temps viaden en nies mund. El envida perquei ad in'oraziun comunabla: **Sonda, ils 13 da settember** ella baselgia da sogn Luzi. 14.00h Aduraziun/ 15.15h Sontga Messa.

Urar da cuminonza ha gronda forza.

Informaziuns per Laax

Communiun dils malsauns: Mesjamna, ils 17– 09 – 08 **suentermiezdi**

Gratulaziuns

Las medias han fatg da saver che nies organist, dirigent e creader da biaras melodias **Gion Balzer Casanova** ha festivau il natalezi da **70 onns**. Era dalla vart dalla pleiv gratulein nus al premurau parochian per tut ils survetsch ch'el ha regalau a nus biars onns cun dun e talent musical e cun in bien sentiment per la liturgia en baselgia. Buna sanadad e benedicziun giavischein nus vinavon a Gion Balzer e selegrein cun el sil concert en baselgia, dumengia ils 28 da settember.

Plinavon gratulein nus ils 06 da settember sils **90 onns** a **Clara Cavelti-Gliott** sco era a **Margrith Camathias-Thurnherr** che festivescha ils 07 da settember **80 onns**. Era a vus caras parochianas, la forza da Diu, plascher en curtgin, a casa e sin viadi.

Rogaziun federala

09.30h

10.30h – 11.00h

11.00h – 12.00h

12.00h – 13.00h

13.00h – 14.00h

14.00h – 14.30h

14.30h

Eucaristia dalla dumengia

Spendas/Geinas/Tuliu Su/Cons

Crest/Tuliu Sut/Val/

Via principala/Larisch/Via Selva

Davos Baselgia/Via Streia/Via

Falera

Fau/Grava/Fandrels

Viaspras e reposiziun

Nus recumandain a vus las uras d'oraziun per nossas famiglias, nossa patria che sa viver senza uiara. Nus rughein per ils pievels dil mund che drovan il schurmetg da Diu.

Venderdis, ils 19 da settember:

Nus envidein ils scholars, lur geniturs e tuts parochians alla sontga messa da scola. Dieus arva la porta da sia carezia per nus tuts. Lein prender la caschun d'entrar en sia vischinonza.

Informaziuns per Falera

Communiun dils malsauns: Venderdis, 05- 09–08 **suentermiezdi**
Gievgia, 18- 09- 08 **suentermiezdi**

Nozzas d'ordeifer a s. Rumetg

Sonda, ils 06 da settember allas 14.00h Oliver Rieder e Nicole Meier, Zumikon

Sonda, ils 20 da settember allas 14.30h Michael E. Nägeli ed Amanda Bürgler, Winterthur

Nus gratulein a tuts nozzadurs e giavischein ventira e buna convivenza ella veta da lètg.

Batten

Dumengia, ils 28 da settember allas 11.30h retscheiva **Lara Casutt**, feglia da Roland e Maja Casutt-Köhle il sogn sacrament dil Batten. Nus gratulein a Lara e sia famiglia e giavischein alla nova commembra dalla baselgia bien sustegn ella cuminonza cartenta.

Geniturs e parochians uran per ils affons.

Meinsvart dat ei situaziuns nua che nus sentin e duvrein pli fetg e pli ferm il sustegn in da l'auter. Buca mo en grevas uras mobein era en buns temps lein nus ir en fidonza tier Diu e rugar per siu sustegn e rinforz ella cardientscha.

Ord quei motiv lein nus urar sapientivamein e da cuminonza inagada el meins per nos affons e lur famiglias. Il temps ei indicaus el plan da liturgia. Vegni pia e rinforzei in l'auter ell'oraziun.

Aduraziun la dumengia da Rogaziun federala.

Allas 17.00h fagein nus noss'ura d'aduraziun. Nus vegnin a rugar comunablamein e nus vegnin a haver temps per l'oraziun persunala en silenzi. Nus envidein era nos affons e lur famiglias tier quella oraziun. Igl ei pusseivel d'integrar ils affons ell'oraziun dils carschi. Cordial beinvegni.

Mesjamna, ils 17 da settember allas 07.30h ei la messa da scola.

Affons, geniturs e parochians san prender part da quella sontg'unfrenda ed engraziar a Diu per sia preschientscha en nies miez.